



第一一八〇册

四庫全書

● 上海古籍出版社

本冊目次

後 澗

村 泉

集 集

宋 劉克莊撰……………一
宋 韓 泂撰……………五六三

欽定四庫全書

集部

後村集卷二

欽定四庫全書

集部四

後村集

別集類三 宋

提要

臣等謹案後村集五十卷宋劉克莊撰克莊字潛夫莆田人以蔭入仕官終龍圖閣直學士諡文定克莊受業於真德秀而晚節不終頗為當時所譏詩派近楊萬里大抵詞病質俚而意傷淺露故方回作瀛奎律髓極不滿

欽定四庫全書

後村集

之然其清新獨到之處要亦有未可盡廢者律髓載其十老詩最為俗格今南岳第二稿惟存三首而刪其七則此集亦嘗經訂定矣文章古潔較勝其詩坊本所刻詩十六卷詩話詩餘各二卷毛晉津逮秘書又刻其題跋二卷而文集三十卷並闕焉此為抄傳足本第四十三四十四兩卷載玉牒初草紀寧宗嘉定十一年事蓋用韓愈集編順宗實

詳校官庶吉士臣吳烜

主事臣呂雲棟覆勘

總校官進士臣朱鈴

校對官主事臣陳文樞

謄錄監生臣鄒世俊

錄例也乾隆四十六年五月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

後村集
提要

三

後村居士集原序

作者不祈人之知知之者常在數十年之後自古諸名人皆然蓋未有其人之好惡未齊而其文之聲價已定者摘其小疵而指為大謬悠悠穹壤異喙同詞昔之人固有憤恨於時而棄擲其平生所作者或瘞以塚或泛以瓢豈非痛識真之難耶獨我祖宗盛時儒學明而士具眼文章家之品目未嘗以窮達為高下若歐曾蘇之名以文梅黃陳之名以詩雖其身困蹟寂寥諠者詈者附和同聲而片文隻字人人賞重其傳則自若也中興百年以文字行於今者其最大亦十數家大半手自編次一時或遇或否互為升沉於文何加損焉此我朝人物議論之公有非前代所可及者後村先生劉公得文名最蚤排解於時亦最甚僕纔少公七歲而疇昔受學樂軒時已嘗誦公南嶽稿蓋吾師一日得之喜甚呼而語僕曰子於時喜義山禹錫二氏是編猶有劉李所未到者余受而味之

欽定四庫全書

後村集
序

曰此世所稱二劉諸孫者耶此章泉澗泉諸老之所畏者耶此水心所謂可建大將旗鼓者耶兩鄉相望雖未能數舍而其人則未之識也既而僕走江淮後村以譏廢十年矣身雖拙而文日傳時從數千里外有能道其名而誦其詩語以為今人率不信亦知公之詩名久而傳者遠矣端平初余留太學偶謁計幕湯公中後村時以西府掾對晦靜語余曰子得潛夫對疏乎言所難言非特詞章為妙西山之門此為巨擘余

欽定四庫全書

後村集

二

于是知公子詩之外尤有過人者然猶未及登門也余成進士南歸後村旋亦去國始克見於其居挾策過從凡一再歲頗常聞所未聞中間睽攜時蒙寄以新稿聞者必爭求之丙午余待罪校讐府公自江左召甫見上即賜第長蓬山專史事未幾日又入經幄直綸省僕於公為列屬遂得時見講卷詞草諸篇每每精妙絕出無何乃以留黃不奉詔去而掖垣諸稿膾炙於人好文者至傳寫以相遺是公之連蹇不得志雖甚於諸賢而

文字之傳亦非意見不同嗜好相背者所得而抑遏也昔者李定之於東坡且以奇才見予況他人乎然世猶以全集不盡見為恨去秋余補外此來間得語從容屢以此請而公謙避再三不之許余曰莆名郡也前輩諸聞人文字散落不少夾漈著書最多可名者七百種今之存無一二艾軒沒五十年遺文始衰集僅得二十卷放失知幾何他如次雲之詩西軒之賦與先正二劉所作則世無復見者矣前之守於斯者能無愧乎僕將

欽定四庫全書

後村集

三

逃此媿於後公獨何所靳於今此非為僕賜為國人賜也公於是不得已而出之余既盡得公所藏刊之郡齋且連月諷詠不去手乃敘社而歎曰夫文章非一體能者互有短長王祭他文不如賦子美無韻者難讀溫公不習四六南豐文過其詩此皆前輩評論也以余觀於後村自非天稟迥殊學力深到何其多能哉詩雖會眾作而自為一宗文不主一家而兼備眾體摹寫之筆工妙援据之論精詳其錯綜也嚴其興寄也遠或春容而多

態或峭拔以為奇融貫古今自入爐韞有穀梁之潔而
寓離騷之幽有相如之麗而得退之之正霜明玉瑩虎
躍龍驤閱肆瑰奇超邁特立千載而下必與歐梅六子
並行當為中興一大家數也公名克莊字潛夫蒲陽人
後村者因其居以自號也淳祐九年龍集己酉中春既
望竹溪林希逸書

欽定四庫全書

後村集
序

四

欽定四庫全書

後村集卷一

宋 劉克莊 撰

詩

南嶽
舊稿

郭璞墓

先生精數學卜穴未應陳因將虎鬚死還尋魚腹居如
何師鬼谷却去友靈胥此理憑誰詰人方寶墓書

魏太武廟

荒涼瓜步市尚有佛狸祠俚俗傳來久行人信復疑亂

欽定四庫全書

後村集
卷一

鴉爭祭處萬馬飲江時意氣今安在城姑暮更悲

徐孺子墓

今晚安墳意梅仙舊解傍醺成龍不至羅設鳳高翔黨
錮人俱燼先生骨尚香小詩拈未出何以侑椒漿

宿莊家二首

初秋風露變偶出憇莊家原稼無全穗陂荷有晚花疎
鐘踰澗響微月轉林斜鄰媪頭如雪燈前自續麻
茅茨迷詰曲度谷復踰陂世上事如許山中人不知牛

羊晴卧野鷺驚晚歸池粗識為農意秋輸每及時

北山作

骨法枯閒甚惟堪作隱君山行忘路脉野坐認天文字
瘦偏題石詩寒半說雲近來仍喜賸閒事不曾閒

早行

店姬明燈送前村認未真山頭雲似雪陌上樹如人漸
覺高星少幾分遠燒新何煩看瘼子來往暗知津

黃蘗山

欽定四庫全書

銀村集

二

出縣半程遙松間認粉標峯排神女峽寺創德宗朝鵲
老巢高木僧寒曉墮隨樵早知人世淡來往退居寮

第三龍湫

絕頂謁龍公森寒石作宮路盤青壁上瀑瀉白雲中僧
說聞雷出人疑與海通幾時陰晦夜來此看擎空

客中作

漂泊何須遠離鄉即旅人吹簫嘗海品書刺謁田隣家
寄寒衣少山來曉夢頻小兒仍病瘧詩句竟無神

小寺

小寺無蹊逕行時認繖痕犬寒鳴似豹僧老瘦於猿澗
水來旋磨山童出閉門城中梅未見已有數株繁

晚春

花事匆匆了人家割麥初雨多田有鵲湖小市無魚充
筆回僧簡褒衣看古書經年稀見客唇折轉生疎

哭葉孝錫教授

瘴雲深處死太息奈君何詩友俱來弔埋銘久未磨箕
裘無子繼書畫落人多舊宅今移主斜陽掩涕過

夜過瑞香菴作

夜深捫絕頂童子旋開扉問客來何暮云僧去未歸山
空聞瀑瀉林黑見螢飛此境惟予愛他人到想稀

送薛明府

長官三載內屢被督郵嗔鎮靜答刑少公清縣庫貧減
租霑野老掃榻待詩人祇恐鳬飛後民間事事新

蒜嶺

到此思家切寒衣半淚痕曉餘山頂禿潮至海波渾僕
怕骨無店人言近有村吾生踰野老笑語掩柴門

示觀老

住山仍黑瘦親錫極蕭然頂髮千莖雪跣趺一縷烟禪
堪拈出衆詩亦長於前燒盡西窓燭相看各不眠

武步道中

一路荒涼極無端過此頻官於鹽起稅俗事盡為神瞑
色初逢驛溪聲只隔隣留題空滿壁不見有詩人

欽定四庫全書

卷一 魏村集

浦城道中

絕入仙霞路重裘尚不支居人收枸實客子辦梅詩地
濕然箕坐霜寒隔被知向來真錯計不買草堂基

幽居寺

相傳有儒者唐李隱茲岑重已收遺藁雲方鎖暮鐘木
碑無世次石洞斷人蹤此士何曾死林深不可逢

大目寺

來人云虎出留此到昏鐘寺小於諸剎山高似衆峯未

寒先得雪已夏尚如冬老子曾游浙微微有辨鋒

哭容倅舅氏二首

老赴容州辟移書勸不回客迎蕭寺哭喪附海舟來漳
雨銘旌暗空山梵磬哀未知墳上栢此去幾時哉
尚記陪言笑如今叫不應兒分身後俸僧上殯前燈宅
有遺基在田無一畝增閭天何至此在日以康稱

吳大帝廟

露坐空山裏英靈喚不迴久無祠祭至曾作帝王來壞

欽定四庫全書

卷一 魏村集

五

壁蟲傷畫殘爐鼠印灰今人渾忘却江左是誰開

鐵塔寺

細認苔間字方知鑄塔時不因兵廢壞似有物扶持古
殿人開少深窻日上進僧言明受事相對各攢眉

聰老

聰老才堪將髡緇意未平僧中能結客禪外又談兵喜
聰詩家話多知邊地情何當長鬚髮遣戍國西營

哭薛子舒二首

醫自金壇至猶言疾可為瀕危人未信聞死世皆疑友
共收殘藁妻能讀殮儀借來舊冊子掩淚付孤兒

忍死教磨墨留書訣父兄讀來堪下淚寄去怕傷情墓
要師為誌詩於世有名夜闌秋枕上猶夢共山行

贈川郭

川郭顛狂甚平生挾術游老猶携侍女貧不謫公侯用
藥多投病訓錢或掉頭金陵官酒貴應典舊貂裘

贈錢道人

欽定四庫全書

錢村集
卷一

六

除了布裘外都無物自隨既能行大雪饑但嚙華池說
相言多驗嫌錢事更奇一般難曉處裝背貴人詩

張麗華墓

臺上栢蕭蕭空堂閑寂寥芳魂三尺土往事幾迴潮墮
翠尋難見埋紅恨未消猶勝江令在白首入隋朝

送鄒景仁

衝寒何處去新戌尚來年客勸休辭幙君言已買船霜
清江有蟹葉脫木無蟬若過東林寺携家往問禪

二將 石侯 韓仔

二將同時死路人聞亦哀力窮塵轉急圍厚突難開戰
骨尋應在殘兵間有迴傷心郵遞裏隔日捷書來

陳虛一

幾載皖山耕忽提孤劍行戰場中有骨尺籍尚無名馬
自尋歸路身空試賊營却疑兵解去曾說煉丹成

楊州作

幾多精甲沒黃沙野哭遙憐戰士家瓜渡月明空粉堞
欽定四庫全書

錢村集
卷一

七

蕪城烟斷只昏鴉似聞禁使傳頌醢尚喜邊人獲賜靴
悵悵兩淮蚕織地春風不復長桑芽

南浦亭寄所思

只是從前瘦病身官卑活計太清貧買來晉帖多成贗
吟得唐詩轉逼真生擬棄家尋劍客死當移塚近騷人
秋風爛漫吹雙鬢目送停雲欲愴神

蒜嶺夜行

嶺頭無復一人來漁店收燈戶不開松氣滿山涼似雨

海聲中夜近如雷擬披醉髮橫簫去只寄鄉書與劍迴
他日有人傳肘後尚堪收拾作詩材

別教器之

舊說閩人苦節稀先生獨抱歲寒姿老年絳帳聊開講
當日烏臺要勘詩東閣不游綠有氣草堂未架為無貲
輕烟小雪孤山路折賸梅花寄一枝

哭楊吏部通老

白首除郎已晚哉民間桑柘手親栽蓋棺只著深衣去
欽定四庫全書
後村集
卷一
行李空擔語錄迴主祭遺孤猶未冠著書殘藁漫成堆
可憐薄命飄蓬客虛事江西莫府來

老數

肘後奇書懶更開只今年髮已相催但聞方士騰空去
不見童男入海迴無藥能留炎帝在有人曾哭老聃來
醉鄉一路差堪向終擬劉伶家畔埋

荅友生

讀易參禪事事奇高情已恨桂冠遲清於楚客滋蘭日

貧似唐人乞米時家為買琴添舊債厨因養鶴減晨炊
君看江表英雄傳何似孤山一卷詩

趙清獻墓

南渡先賢迹已稀蕭然華表立山陂可曾長吏修祠宇
便恐樵人落樹枝幾度過墳偏下馬向來出蜀只攜龜
自憐日暮天寒客不到林間讀隧碑

烏石山

客子家山亦此峯可堪投宿聽鐘鐘旋沽村酒開霜柿
欽定四庫全書
後村集
卷一
欲訪禪扉隔暮松鄉信寫成無便寄寒衣著綻倩誰縫
遠來只為營瓜圃不是貪渠萬戶封

除夕

憶昔都城值歲除高樓張燭戲呼盧久依淨社參尊宿
難向新豐認酒徒天子未知工草賦鄰人或倩寫桃符
夜寒別有窮生活點點離騷擁地爐

呈袁秘監

近日頻聞有峻除人傳君相重師儒細旃坐穩方輪講

羣玉峯高未要扶別後曾過東閣否新來亦乞鑑湖無
幾時供帳都門外真寫先生作畫圖

漁梁

春泥滑滑雨絲絲一路陰寒少霽時水入陂渠喧似瀑
雲從山崦上如炊燎衣去傍田家火炙燭來看野店詩
落盡梅花心事惡獨搔蓬髮逸殘枝

小梓人家

生來拙性嗜清幽因過山家為小留頂笠兒歸行樹杪
欽定四庫全書
欽定四庫全書
提瓶婦去汲溪頭參天老竹當門碧盡日寒泉逸舍流
我料草堂猶未架規模已被野人偷

送拄杖還僧

頭白高僧行脚嬾一枝筇竹久生苔不逢太乙然藜照
時偕山翁荷篠迴夜挂多尋蕭寺壁晚拈恐化葛陂雷
還師此物禪須進曾入詩人手內來

雲峯寺

七里深林集暮鴉挿空金碧被林遮華堂何止容千衲

菜地猶堪置萬家虎去有靈知伏弩僧來叙舊約分茶
世人要識峯頭冷六月重綿坐結跏

蓋竹廟

借榻叢祠日已曛瓣香頻此謁靈君儻來夢事休重卜
向去詩材進幾分明主不消人諫獵故山空使客移文
寄書報與荆妻說十襲荷衣莫要焚

瓜州城

先朝築此要防邊不遣邊人見戰船遮斷難傳河朔檄
欽定四庫全書
欽定四庫全書
修來大費水衡錢書生空抱聞雞志故老能言飲馬年
慙愧戍兵身手健箔樓各占一闌眠

送仲白

官舍蕭條葦蓋簷拾薪獨有一長髯同來社友因饑瘦
遠作參軍得俸廉國士交情窮乃見古人詩律晚方嚴
中年各要身强健別後寒衣切記添

鳳凰臺晚眺

經月球行臺上路秣陵城郭忽秋風馬嘶衛霍空營裏

螢起齊梁廢苑中野寺舊曾開王帳翠華久不幸離宮
小儒記得隆興事閒對山僧說魏公

贈玉隆劉道士

觀中曾訪老黃冠爾尚為童立醮壇新染氎衣披得稱
舊泥丹竈出來寒詩非易作須勤讀琴亦難精莫廢彈
憶上洪崖題瀑布因游試為拂塵看

晉元帝廟

元帝新祠西郭外野人弔古獨來遊陰陰畫壁開冠劍
欽定四庫全書

後村集
卷一

十一

寂寂綠窠上璚旒勢比龍盤猶在服事隨鴻去不迴頭
葉碑廊下無人看欲去摩娑又少留

清涼寺

塔廟當年甲一方千層金碧萬縑郎開山佛已成胡鬼
住院僧猶說李王遺象有塵龕壞壁斷碑無首立斜陽
惟應駐馬坡頭月曾見金興夜納涼

冶城

斷鐵遺鎗不可求西風古意滿原頭孫劉數子如春夢

王謝千年有舊遊高塔不知何代作暮笳似說昔人愁
神州只在闌干北度度來時怕上樓

雨華臺

昔日講師何處在高臺猶以雨華名有時寶向泥尋得
一片山無草敢生落日磬殘隣寺閉晴天牛上廢陵耕
登臨不用深懷古君看鍾山幾箇爭

新亭

此是晉人遊集處當時風景與今同不干鐵鏹樓船力
欽定四庫全書

後村集
卷一

十二

似是蒲葵塵柄功幾簇旌旗秋色裏百年陵闕淚痕中
興亡畢竟緣何事專罪清談恐未公

魏勝廟

天與精忠不與時堂堂心在路人悲龍顏帝子方推轂
猿臂將軍忽死綏淝泣我來瞻畫像斷頭公恥立降旗
海州故老凋零盡重見王師定幾時

真州北山

憶昔邊庭入控弦官軍迎戰北山前笳簫有主安新塋

蓑笠無人墾廢田兵散荒營吹戍笛僧從敗屋起茶烟
遙憐鍾阜諸峯好閒鎖行宮九十年

故宅

故宅炎炎未百年今看枯柳著踈蟬莊田置後頻移主
書畫殘來亦賣錢春日有花開廢園歲時無酒滴荒阡
朱門從古多如此想見魂歸也愴然

送余子壽

去歲與君同聘召何曾杯酒暫相離兵謀元帥多親訪

欽定四庫全書

魏村集
卷一

十四

心事同官盡得知三釜忽懷歸去檄一枰未了著殘棋
此生聚散須牢記記上揚州戰艦時

送周監門

一領青衫似敗荷奈君母老秩卑何三年幕府無人薦
常日柴門有客過身畔擔輕篋俸少江頭船重載書多
故人若問軍中事為說防秋夜枕戈

挽黃巖趙郎中二首

朱公徒弟丘公壻標致雖高氣宇和心向奏篇尤暴白

髮因時事欲蒼皤計傳淮甸邊情惜路出蕭山巷祭多
最長郎君師友盛我知墓碣有人磨

青衫昔作督郵時賞鑒除公更有誰勘獄不嫌人守法
撰文常對衆稱奇築臺虛辱生前意穿冢難訓地下知
欲寫哀思傳挽者身今戎服不能詩

寄趙昌父

世上久無遺逸禮此翁白首不彈冠一生官職監南嶽
四海詩盟主玉山經歲著書人少見有時入郭俗爭看

欽定四庫全書

魏村集
卷一

十五

何因煖服供薪水得附高名野史聞

寄韓仲止

昨仕京華豪未減脫鞵不問貴游嗔詩家爭欲推盟主
丞相差教作散人閉戶自為千載計入山又忍十年貧
幾思投劾從公去背笈肩琴澗水濱

戊辰書事

詩人安得有春衫今歲和我百萬緡從此西湖休挿柳
剝裁桑樹養吳蠶

晚春

書幌冷泠子夜風杜鵑啼月小
牆東江南詞客惜春老
清曉披衣拾墮紅

臨溪寺二首

綠染庭蕪一尺深
老師閱世幾駒陰
自言不看傳燈了
只讀楞嚴見佛心

一徑松花颭紫苔
東風落盡佛前梅
道人深掩禪關坐

莫聽鶯聲出定來

欽定四庫全書

後村集
卷一

十六

即事

自汲新泉養牡丹
銀壺滿貯怕春殘
畫簷一向東風惡
為掩窻綃護晚寒

孺子祠

孺子祠堂揮酒旗
游人那解薦江蘿
白鷗欲下還驚起
曾見陳蕃解榻時

碧波亭

了却文書上馬遲
白蘋洲畔有心期
斜陽忽到傳觴處

落盡梨花啼子規

豫章溝

溝水泠泠草樹香
獨穿支徑入垂楊
薺花滿地無人見
唯有山蜂度短牆

野店蕭蕭掩竹門
岸沙猶記履綦痕
東風枉是吹花急
綠盡平蕪却斷魂

題寺壁二首

栢子薰衣眉暈銷
女垣榆影冷蕭蕭
屏山一枕游方夢

欽定四庫全書

後村集
卷一

十七

橫錫飄然過石橋

素練寬裁白社衣
普陀烟裏現幽姿
日長讀徹楞伽了
閒折柑花供祖師

西山

絕頂遙知有隱君
食芝種朮鹿為羣
多應午竈茶烟起
山下看來是白雲

宮詞四首

出海新蟾玉半鈎
風翻荷蕩起栖鷗
女郎定有穿針約

偷看明河記立秋

涼殿吹笙露滿天
木犀花發月初圓
君王少御珊瑚枕
多就宮人玉臂眠

一夜秋風入碧梧
蟬聲永巷月華孤
幾回夢裏羊車過
又是銀牀轉轆轤

先帝宮人總道妝
遙瞻陵柏淚成行
舊恩恰似薔薇水
滴在羅衣到死香

秋風

欽定四庫全書

後村集
卷一

六

黃葉蕭蕭忽滿堦
獨騎瘦馬豫章臺
莫將宋玉心中事
吹向潘郎髮畔來

跋小寺舊題

禪几曾陪白氎巾
柑花似雪鬪芳新
而今柑子圓如彈
不見澆花供佛人

憶錫女

靈照羈魂章水西
冷風殘雪古招提
老懷已作空花看
更把楞嚴曉病妻

報恩寺

一抹斜陽上繚垣
芫花滿地柏陰繁
城中客子聞鐘去
獨立空山聽斷猿

歸至武陽渡作

夾岸盲風掃棟花
高城已近被雲遮
遮時留取城西塔
蓬底歸人要認家

舟中寄景建

低蓬小雨夢殘時
忽憶同尋楚老祠
夜過豐城占斗氣
想公別後有新詩

欽定四庫全書

後村集
卷一

九

書山壁

剝地栽林自起墳
一燈精舍疏玄文
詩成莫洒酒家壁
題徧青山題白雲

華嚴寺逢葛蒼頭

曾向叢林寄幅巾
十年塵泥卧雲身
侍琴童子長於竹
去禮山僧作主人

田舍